

新
疆
識
略

欽定新疆識畧卷九

財賦

伊犁環境皆山土地寬廣有窑礦之富林木之饒
乾隆三十一年立鉛廠三十八年立鐵廠四十一年
立銅廠四十七年立煤窑嘉慶十一年立木稅
皆因天地自然之利以濟生民日用之資卽周禮
掌以邦人守以林衡之意也然而地處邊庭旣非
輻輳官兵駐劄生齒日繁每年所鑄錢文僅搭放
兵餉三十分之一而房稅雜稅所入惟供修造車
船錫宴藩服獎資官學教習賞卹物故兵丁之用

於是餉銀則調之甘肅紬緞則調之江南棉布則調之和闐葉爾羌硝磺則調之庫車阿克蘇銅觔則調之烏什喀什噶爾喀喇沙爾蓋不能不仰給四方者其勢然也謹編財賦一門以備梗槩善籌久遠者庶知所撙節云耳

錢法

寶伊錢局乾隆四十年將軍伊勒圖

奏設以撫民同知管理爐二座鼓鑄錢文每一文重一錢二分用紅銅八分四釐黑鉛三分四釐八毫點錫一釐二毫用烏什喀什噶爾喀喇沙爾等處

運來銅三千九百觔又本處廠採銅六千餘觔鉛四千二百餘觔其點錫一百四十觔及應用器具俱由該局領價備置每年鑄錢九百餘串至一千一百餘串不等嗣於五十七年經將軍保寧

奏明加鑄錢六百串共錢一千七百二十二串係按春秋兩卯開鑄交庫以備搭放兵餉每年自正月初十日開鑄至五月底止又自七月初十日開鑄至十一月底止各一百四十日各經費銀二百三十兩八錢零口糧八千一百二十觔又自六月初一日停鑄至七月初九日止自十二月初一日停

鑄至次年正月初九日止各四十日各經費銀九兩五錢零口糧一千一百六十觔俱於房租斛面項下動用

銅廠

乾隆四十一年將軍伊勒圖

奏准於伊犁哈爾海圖地方開採銅觔歲獲銅二三千觔至五六十觔不等派廢員二員經管五十六年將軍保寧

奏言哈爾海圖地方銅礦不能充旺派熟諳員弁在哈什地方另開新礦自五十四年起至今三年每

月增採五六百觔俟數年後儘可添鑄錢文於邊地兵民大有裨益五十七年將軍保寧

奏准伊犁銅觔於喀什開採以來每年收獲七千餘觔請於歲鑄額外加鑄錢六百串搭放兵餉嘉慶六年由喀什移銅廠於巴彥岱呼巴海地方

俗名三道

河開礦採挖

鉛廠

乾隆三十一年將軍明瑞

奏准在喀什地方開採黑鉛用製軍火鉛丸歲獲鉛六七千觔至一萬餘觔不等派廢員經營每年所

獲鉛觔除撥運實伊局外餘鉛仍爲軍火鉛丸存貯惠遠城軍器庫六十年將軍保寧

奏言向在雅瑪圖地方設立鉛廠近因出鉛漸少委員在厄魯特游牧察奇爾阿滿山內採挖派廢員經管

鐵廠

乾隆三十八年將軍舒赫德

奏言伊犁種地回子應用耕作器具於各處買舊鐵器製造數年以來採買迨盡因派回子在伊犁河南山索果爾地方採挖生鐵鍛鍊應用請於阿克

蘇移調熟悉採鐵回子三十戶以資採挖又於綠營兵丁內酌撥協同採挖以資耕作得

旨允行隨經綠營派外委一員兵丁二十名赴山挖鐵因路遠恐悞屯工於四十年就近在崆郭羅鄂博採挖其回子仍在索果爾山採挖

銅鉛廠口糧 附

乾隆三十七年將軍舒赫德

奏准於哈什地方開墾地畝每年所收糧石備給兩廠採挖銅鉛及種地各遣犯口糧派廠員經管嘉慶九年將軍松筠

奏言伊犁採鍊銅鉛廠夫口糧總須喀什河南屯田收穫小麥二千石方足一年之需該屯向係派撥遣犯數十名前往耕種不但不習耕作所收麥石不敷且因毗連厄魯特游牧每多偷盜於屯種有名無實莫若改撥回子耕種每年交納小麥二千石以供銅鉛廠夫口食等因欽奉

上諭松筠奏伊犁採鍊銅鉛廠夫口食總須喀什河南屯田收穫小麥二千石方足一年之需該屯向係派撥遣犯數十名前往耕種不但不習耕作致所收糧石不敷且因毗連厄魯特游牧每多偷盜於屯種有名無實莫

若撥給回子六千戶俾應納官糧盈餘卽可養贍家口等語著照所請將喀什河南遣屯地畝改撥伊犁種地之六千回戶耕種仍將本年回子借種厄魯特之地一併撥給其春稽地方有田二千餘畝亦准回子耕種每年交納小麥二千石以供銅鉛廠夫口食所有撥往種地之遣犯數十名卽著撤回歸廠當差欽此

煤窑

乾隆四十七年將軍伊勒圖

奏准崆郭羅鄂博一帶有大山頭石人子甘溝三處開設煤窑二十四座內長年挖取者十六座有夏

秋地氣熏蒸不能入洞採挖惟冬春堪以挖取者
八座均照

盛京煤窑之例按窑座獲利以十二股抽收每年徵
收稅銀三百二十四兩八錢零嗣於五十年添窑
十二座加增稅銀一百三十四兩六錢零至五十
三年報明窑場二座減收租銀二十一兩七錢零
現今實有煤窑三十四座每年徵收稅銀四百三
十七兩七錢零交庫歸入新收房租項下

木稅

嘉慶十一年四月將軍松筠

奏言伊犁駐防滿洲官兵及商民人等生齒日漸夥
多營造室廬必需材木向來俱聽民人於伊犁南
北山場自行砍伐售賣趨利之徒日久叢集山林
僻遠不無藏匿逃人伊犁遣犯衆多時有竄脫卽
緣營兵役亦間有逋亡之事總由南北兩山爲之
淵藪漫無稽查所致臣前經飭令撫民同知毓寧
阿督率惠遠惠寧兩城巡檢查勘情形山場寫遠
非止一處若專派巡役稽查不但不能周到且恐
反致滋擾惟有卽於伐木民人內擇其老成妥實
者設爲商頭官給驗票管束民人採伐按名造冊

備查若冊內無名及形迹可疑者立即送官究訊
倘敢藏匿逃人別經就獲訊係曾匿某處山場者
即將該商頭及窩留之人科以應得之罪山場本
係官地今既給票准其採伐自應定以抽分因擬
每木百根抽分七根每年每人伐木若干俱令自
行如數交納商民僉稱情願踴躍從事所抽木料
雖屬有限亦應派員查收以專責成因委協領職
銜綏福專管陸續收得木料著爲八旗年久兵房
歲修及屯工渠道橋梁牕座之用嗣後每年用過
木料數目報明印房查核存案至惠遠城巡檢羅

名著惠寧城巡檢李旭自委辦以來查勘情形酌定條約俱中窺要自應責成一手經理情形兩城巡檢本年俱屆邊俸期滿應回甘省候陞新調之員未免又係生手相應請

旨將巡檢羅名著李旭再留三年如果始終辦理妥協年滿時再行出具考語據實奏明咨回內地照例儘先陞用倘不實力稽查仍聽遁逃藏匿山場應卽查明叅辦示懲奉

旨松筠奏伊犁山場設立商頭官給驗票稽查逃犯一摺所奏殊未明晰據稱伊犁南北山場向聽民人自行砍

伐樹木日久遂爲逋逃淵藪因擇民人內老成安實者設爲商頭給票管束按名造冊備查若冊內無名及藏匿逃人者卽將該商頭並窩留之人科罪等語此項商頭始自何年從前未據松筠奏及今據稱設立商頭給予官票定以抽分每木百根抽分七根存爲歲修兵房屯工渠道等項之用究竟抽分之法已行有幾年所抽木料每年約得若干現已積存若干亦未據聲敘至用過數目報明印房一節此等用過木料難保無以多報少之弊自應詳細造冊咨部報銷俾承辦之員知事關違部不敢任意舞弊方符體制著松筠遵照指出情節

再行詳議具奏至請巡檢羅名著李旭二員再留三年之處俟覆奏到日另降諭旨將此諭令知之欽此五月覆

奏言

臣

跪讀之下始知蠱陳敷陳實未明晰仰蒙

聖恩不加嚴飭益深感悚伏查民人於山中砍伐木植鋸做板片販賣歷年已久從前失於無知之者緣伊犁惠遠惠寧兩滿城俱在伊犁河北岸兩城相隔七十餘里其間向多缺水地土荒場是以販賣木植者水運陸運無人查問俱各習以爲常自

臣

仰

蒙

皇上指示開設旗屯以來於此一帶荒場地方種稻則引河水種麥則引山泉渠道既多行人自己總歸正路臣於上年夏間查看渠工路遇拉運木植板片者復於河干見有木排順流而下者詢其由來始知所以並云向無查禁之例因思伊犁遣犯衆多時有逃竄砍伐木植處所不無藏匿逃人不可仍前漫無稽查且山場莫非官地未便任聽民人自行砍伐當經飭令撫民同知毓亨阿督率兩城巡檢查辦酌定章程卽於伐木商民內擇其妥實者設爲商頭官給驗票管束民人稽查逃犯定以每

木百根抽分七根板片抽分之數亦然議定之後
於上年八月十五日始交抽分木料雖非大材至
今十箇月已共抽收柁梁山柱檁椽板片共計四
千八百五十一件印房有案此內柁與山柱共五
十七根長一二丈不等梁檁共八百一十一根長
一丈一二尺不等細小椽子二千三百八十四根
長一丈三四尺不等長方板一百六十四塊長丈
餘寬四五寸不等分寸板片共一千四百三十五
塊長六尺寬五六七寸不等此項木植夏秋河水
大時抽收之數較多冬春陸運者少抽收之數無

多統候收過一年方足以約定數目當上年辦理之初本應具奏惟因民人俱非土著去來無定恐兩巡檢辦理無效是以未敢預先奏

聞然於四月內具奏時卽應明白聲敘併應請將來如何造冊咨部報銷方符體制臣意不及此實屬踈忽今遵

旨詳議請於一年所收者若干於旗屯住房倉房渠工橋梁牆壩實用者若干修補年久兵房若干餘剩若干容俟本年年終詳細奏請

皇上訓示後再行按年詳細造冊咨部報銷如此遵

旨辦理行之年久實足以杜弊竇倘有以多報少及私用木料情事一經查出卽行叅辦其巡檢羅名著李旭二員可否再留三年之處出自

天恩奉

旨松筠覆奏詳議伊犁山場設商給票砍運木植一摺伊犁南北山場本係官地所產木植自未便任聽私行砍伐漫無稽核今松筠奏請設立商頭官給驗票並定抽分數目卽藉以管束民人稽查逃犯所議自屬可行著照所請辦理至此項木植抽收十月已有四千八百五十一件若收至一年自尙不止此數該處每年應用若

千餘剩若干若將餘剩之項日久積存豈不以有用之材徒致朽壞或應留備工需或應估變價值之處統俟收過一年後仍著松筠詳議章程具奏並另造清冊咨部存查其巡檢羅名著李旭二員並著照所請准其再留三年欽此是年十一月將軍松筠

奏言

臣

前次覆奏伊犁山場抽收木料一年所收若

干於旗屯住房倉房渠工橋梁厠壩並補修年久
兵房實用若干餘剩若干咨俟本年年終奏請

皇上訓示後再行造冊咨部報銷欽奉

諭旨此項木植或應留備工需或應估變價值之處統俟

收過一年後仍著詳議章程具奏並另造清冊咨部存查等因欽此仰見我

皇上訓示周詳無微不至臣遵卽嚴交撫民同知毓寧阿

督飭兩城巡檢留心抽查不許需索亦毋任偷漏並委員查察動用之項隨時稟報茲據委員協領職銜佐領綏福等詳報除前十箇月收過四千八百五十一件外自六月十五日截至八月十四日兩月內河水漲發所到木筏較多兩月又收過二千六百四十八件是自上年八月十五日起至本年八月十四日止一年抽收大小木植板片共七

千四百九十九件所有新開旗屯引水各渠長十數里至八九十里不等所瀦之水引自泉河迂迴曲折導令歸渠其間堵壩椿木並因溝涂縱橫增設橋梁添修渠內牐座及各通衢大路橋梁本年逐款查明通計用過大小木料板片共四千四百三十九件現在實存大小木料共三千零六十件等情臣復委理事同知達爾札確查動存數目相符因查伊犁木植俱係灰松綠水運省脚故市價甚賤現在應懇

聖恩動用木料處所尙多未便遽請變價查官兵內歷年

換防塔爾巴哈台其家無餘丁者本住房屋室間
夏雨冬雪易致傾圯而各官兵內或因出差倒馬
賠累過多或因家有事故生計貧乏所住房屋未
能隨時黏修現據各該協領查報者六百餘間木
料多已糟朽此項兵房不便請帑修理卽以陸續
抽收木料酌量給予修整似爲省便又貯糧各倉
厰柁柱椽檁歷年已久亦應陸續拆換以慎積儲
又臣親身查庫見所貯紬緞箱隻多有就地安放
庫內旣無地板木柵亦應增添免致潮濕又銀庫
並無地板木柵亦須添設所有各項修理添造均

需木料合無仰懇

皇上天恩准將此項木料酌定先後分年賞給各處黏修
補造理合先行請

旨如蒙

恩允卽將本年用存數目先行造銷咨部自本年八月十
五日以後抽收木植板片數目仍請歸於來年八
月後報銷以期年歸年款等因得

旨允行

房稅

乾隆二十八年將軍明瑞

奏准伊犁商民來集漸多城外尋地自備修房按照
房間大小定數收稅頭等房每間三錢二等房每
間二錢三等房每間一錢嗣於三十七年將軍舒
赫德具奏酌定條規摺內一舖房稅契宜變通立
法刊刻契紙編行以資查考一買賣房產宜設立
房牙責成查考一現在所有白契應示諭盡行呈
官請稅各款當經軍機大臣議准施行迄今舖店
房間開閉無常每年約徵銀一萬二三千兩零多
寡不等

雜稅

一伊犁牲畜稅無定額約歲徵銀四千六七百兩

一伊犁各城牙行二十六名歲徵銀十五兩六錢

一伊犁戶民墾種園地歲徵銀一千餘兩

其墾種禾地徵

收銀兩見

屯務門

欽定新疆識畧卷十

厰務

伊犁馬駝牛羊立厰畜牧有孳生之厰有備差之
厰自乾隆二十五年立孳生馬厰二十六年立孳
生羊厰二十七年立孳生駝厰孳生牛厰其始馬
則錫伯索倫察哈爾厄魯特四營並牧牛則四營
及回子並牧三十年停錫伯孳生馬厰三十八年
停索倫孳生馬厰五十四年停索倫孳生牛厰嘉
慶三年停錫伯孳生牛厰十三年停回子孳生牛
厰今馬牛惟察哈爾厄魯特牧放駝惟厄魯特牧

放羊惟察哈爾厄魯特回子牧放而已羊則一年一均齊馬則三年一均齊牛則四年一均齊駝則五年一均齊是所謂孳生廠也取孳之後則歸入備差廠亦察哈爾厄魯特牧放其中有本城調用者謂之撥補有南北兩路及內地調用者謂之撥運有官兵請領交價充公者謂之領買皆於備差廠取之是所謂備差廠也又有購買自哈薩克者牛馬始則入孳生廠自乾隆五十八年以後入備差廠羊則另立官廠孳生設駝馬處專司其事將軍以時查閱之具有成規不容少紊謹編廠務一

門凡分目八曰孳生曰備差曰購買曰撥補曰撥
運曰領買曰賑卹曰查閱

孳生

乾隆二十五年辦事大臣阿桂

奏設孳生馬厰交錫伯索倫察哈爾厄魯特四營經
管牧放扣限取孳不准報銷倒斃二十七年准陝
甘總督咨開

上駟院太僕寺所管游牧馬羣每三年均齊一次不
論騾馬馬駒每三匹取孳生馬駒一匹等因照此
章程辦理三十年將軍明瑞

奏准將錫伯營牧放孳生馬匹全行撤出分交上三旗厄魯特牧放取孳三十八年將軍伊勒圖

奏准將索倫營牧放孳生馬匹全行撤出分交察哈

爾厄魯特牧放取孳計自乾隆二十五年陸續由

阿克蘇烏魯木齊並張家口外牧羣達里剛愛等

處運到孳生馬一萬四千零三十三匹又陸續購

買孳生馬三千五百二十六匹三十年起至五十

八年止收穫孳生馬一萬一千零一十四匹共孳生

本馬二萬八千五百六十九匹

察哈爾左翼牧放馬五千七百四十

三匹右翼牧放馬五千七百五十九匹厄魯特上三旗牧放馬七千二百一十四匹下五旗牧放馬

九千八百五十七匹按立馬年限先後分爲三限取孳謂之
三年一均齊每三年本馬三匹取孳一匹統計每
三年共取一歲至三歲孳生馬駒九千五百二十
四匹

右馬廠

乾隆二十七年將軍明瑞

奏設孳生牛廠交錫伯索倫察哈爾厄魯特等營並
同子等經管牧放扣限取孳不准報銷倒斃五十
四年將軍保寧

奏准將索倫營牧放孳生牛隻全行撤出分交察哈

爾厄魯特牧放取孳嘉慶三年將軍保寧

奏准將錫伯營牧放孳生牛隻全行撤出分交察哈爾厄魯特回子牧放取孳十三年將軍松筠

奏准將回子牧放孳生牛隻全行撤出分交厄魯特牧放取孳計自乾隆二十七年由烏里雅蘇台等處並達什達瓦厄魯特由熱河帶來孳生牛五千五百六十一隻又陸續購買孳生牛一千五百七十六隻三十一年起至五十八年止收穫孳生乳牛七千七百零八隻除撥給三千戶回子牧放抵補倒斃種地耕牛並不另行取孳之三千隻牛外

共孳生本牛一萬一千八百四十五隻

察哈爾左翼牧放本

二千零七十六隻

右翼牧放牛二千零八十八隻

厄魯特上三旗牧放牛二千八百八十三隻

下五旗牧放牛及沙畢納爾四佐領

牧放牛共四千七百九十八隻

按立牛年限先

後分爲四限取孳謂之四年一均齊每四年本牛十隻取孳八隻統計每四年共取一歲至四歲孳生牛犢九千四百七十七隻

右牛廠

乾隆二十七年辦事大臣阿桂

奏設孳生駝廠交厄魯特管牧放扣限取孳計自乾

隆二十六年由烏里雅蘇台運到兒騾駝並備差

駝內挑出孳生駝一千五百一十一隻三十一年
起至嘉慶七年止收獲孳生駝二千六百六十五
隻共孳生本駝四千一百七十六隻厄魯特上三
旗牧放駝一
千八百三十三隻下五旗牧
放駝二千三百四十三隻按立駝年限先後分
爲五限取孳謂之五年一均齊每五年本駝十隻
取孳四隻嘉慶七年起限扣至十二年限滿應行
取孳因嘉慶九年被災奏奉

恩旨再展一限扣至十七年限滿取孳生駝羔一千六百
七十二隻

右駝廠

乾隆二十六年辦事大臣阿桂

奏設孳生羊廠交察哈爾厄魯特沙畢納爾等營並
回子經管牧放扣限取孳不准報銷倒斃二十九
年將軍明瑞

奏明伊犁牧放孳生羊隻有自各處調來者有本處
購買哈薩克者各處運到羊內有途間孳生羊羔
當時另牧續挑入廠者亦有口食羊內挑出作爲
孳生者又有應交羊隻之時駐防兵及投出之厄
魯特等所到日期各有前後條款繁冗取孳限期
不齊恐日久不免生弊請將各部落應交孳生羊

隻擲前展役俱擄爲一月每年每部落俱定爲一
限取孳等因計自乾隆二十六年由巴里坤烏里
雅蘇台等處運到孳生羊八萬七千四百三十五
隻二十八年起至三十七年止又由口食羊內陸
續挑出並購買哈薩克孳生羊五萬三千二百六
十隻共孳生本羊一十四萬零六百九十五隻
爾左翼牧放羊二萬八千二百八十七隻右翼牧
放羊二萬六千隻厄魯特上三旗牧放羊二萬
九千七百四十二隻下五旗牧放羊沙畢納爾
四佐領牧放羊共五萬六千六百六十六隻
立羊年限定爲一限取孳謂之一年一均齊每一
年本羊十隻取孳三隻統計每一年共取孳生一

歲羊羔四萬二千二百一十一隻

右羊厰

備差

一乾隆二十五年起歷年購買哈薩克騾馬及布魯特哈薩克賊犯入官騾馬入備差厰

一乾隆二十五年起歷年布魯特哈薩克呈遞伯勒克馬匹入備差厰

一乾隆三十二年起歷年哈薩克進邊過冬所交

租馬

每馬百匹收租馬一匹

入備差厰

一乾隆三十八年起歷年購買哈薩克兒騾馬入

備差廠

截至嘉慶二十一年六月底止除撥補撥運各處

應用外現存馬共一萬七千七百三十八匹

察哈爾左

翼牧放驢馬三千五百二十一匹三歲見馬駒四

百一十九匹另廠牧放兒驢馬四百一十三匹又

跟隨原草驢馬牧放一歲見驢馬駒五百二十五

匹右翼牧放驢馬三千六百四十四匹三歲見馬

駒三百三十二匹另廠牧放兒驢馬三百八十二

匹又跟隨原草驢馬牧放一歲見驢馬駒五百二

十三匹厄魯特上三旗牧放驢馬一千三百四

十二匹三歲見馬駒五百零九匹另廠牧放兒驢

馬一百九十三匹又跟隨原草驢馬牧放一歲見

驢馬駒五百九十二匹下五旗牧放驢馬三千二

百九十六匹三歲見馬駒一千零二十四匹另廠

牧放兒驢馬七十九匹又跟隨原草驢馬牧放一

歲見驢馬駒八

每年准六釐倒斃

百四十四匹

右馬廠

一乾隆二十七年辦事大臣阿桂

奏准將烏里雅蘇台運到牛隻除撥孳生廠外挑健壯者入備差廠

一乾隆二十五年起歷年購買哈薩克犍牛入備差廠

一乾隆二十五年起至二十九年止阿克蘇送到分賞伊犁同子所留牛隻及喀什噶爾等處換防伊犁厄魯特等駝載口糧牛隻俱入備差廠

一乾隆四十四年起追罰窩留逃人之土爾扈特

等牛隻入備差厰

一乾隆三十一年起歷年孳生厰內及四歲之乳牛抱牛撥入備差厰

一乾隆三十八年起歷年購買哈薩克乳牛及歷年停止孳生之乳牛入備差厰

截至嘉慶二十一年六月底止除撥補撥運各處應用外現存牛共一萬一千五百七十三隻

察哈爾左右

翼牧放健牛一千二百七十六隻另厰牧放乳牛三百三十隻跟隨原孳乳牛牧放三歲以下抱乳牛犢八百二十七隻右翼牧放健牛一千一百七十隻另厰牧放乳牛三百六十隻跟隨原孳乳牛牧放三歲以下抱乳牛犢八百二十隻厄魯特上三旗牧放健牛九百五十隻另厰牧放乳牛六

百九十五隻跟隨原孳乳牛牧放三歲以下牝乳
牛犢入百一十八隻下五旗沙畢納爾牧放犍牛
一千八百一十一隻另厰牧放乳牛七百六十二
隻跟隨原孳乳牛牧放三歲以下牝乳牛犢二千
零五十隻
每年准六釐倒斃
四隻

右牛厰

一乾隆二十五年自阿克蘇馱載銀兩緞疋礮位
到伊犁之駝隻入備差厰

一乾隆二十六年自烏魯木齊運送伊犁屯田農
具籽種駝隻內留駝五百隻又於烏里雅蘇台運
到孳生駝隻內挑出兒駝並阿克蘇送到之駝
俱入備差厰

一乾隆三十七年將軍舒赫德

奏准將滿營兵丁口食羊隻換獲土爾扈特駝隻交

滿營官兵牧放

是年奉

旨伊犁等處出產

購買甚易或為購買或為採買所得駝隻解送來京以備需用欽此當經將軍舒赫德奏明土爾扈特駝隻疲瘦於備嗣於五十一年將軍奎林

差駝廠內挑送解京

奏以此項駝隻就所剩數內挑出堪用者入備差廠

一乾隆六十等年起布魯特賊犯入官駝隻入備

差廠

一乾隆三十一年起歷年孳生駝內所孳兒駝撥

入備差廠

截至嘉慶二十一年六月底止除撥補撥運各處
應用外現存駝共一千五百五十九隻
厄魯特上三旗牧放
駝六百七十一隻下五旗
牧放駝八百八十八隻
每年准一分倒斃
乾隆七年將軍舒赫德奏明將購買土爾扈特駝隻
內撥送烏魯木齊駝四百隻存於該處牧放以備
運送伊犁等處銀兩茶封之用
等因在案此項駝隻不在數內

右駝廠

羊廠孳生之羊自二十六年以後俱係按限取孳
隨年搭放官兵口食之需嗣於五十三年將軍保
寧因按年所取察哈爾厄魯特孳生羊羔將及一
歲者不堪搭放官兵口食

奏明於另廠牧放購買哈薩克羊內五十四五八等

三年代察哈爾厄魯特放過兩城滿營及綠營官

兵等口食大羊共十三萬八千零七十隻

察哈爾兩翼大

羊六萬一千零一十五隻除搭放綠營官兵並該

營代回子搭放官兵羊二萬八千四百四十一隻

外該營實應還羊三萬二千五百七十四隻厄

魯特八旗大羊七萬七千零五十五隻除搭放綠

營官兵羊二萬三千二百八十六隻外該

營實應還羊五萬三千七百六十九隻

截至嘉慶二十一年六月底止除撥補各處應用

外現存羊共九千二百七十八隻

察哈爾左翼牧放羊一千四百

八十五隻厄魯特下五旗牧放羊一千九百

四十三隻同子牧放羊五千八百五十隻

歷年購買哈薩克羊二萬二千八百零九隻

察哈爾左

翼牧放羊一千七百一十隻右翼牧放羊一千四百三十隻厄魯特上三旗牧放羊九千五百隻下五旗牧放羊一萬零一百六十九隻

右羊廠

購買

哈薩克部落每年自四月後分起趕運馬匹牛羊至伊犁將軍委派章京協領前赴貿易處所眼同該台吉頭人等估看牲畜等第官定價值將官庫綢緞布疋合定價值公平購買騾馬兒馬驟馬每匹均攤銀二兩四錢七分零牛每隻均攤銀一兩五錢羊每隻均攤銀四錢乾隆五十八年以前所

買騾馬乳牛俱入孳生厰至五十八年將軍保寧奏准每年購買哈薩克牲畜不敷撥用將五十八年以後收獲騾馬乳牛暫停孳生另厰牧放以備撥用俟購買充裕時再行撥入取孳等因在案迄今馬牛均入備差厰羊係另厰牧放

撥補

一乾隆四十五年將軍伊勒圖

奏准撥給綠營騎操馬一千六百零八匹交營員管理過五年後按一分七釐核算倒斃現在每年撥補騾馬一百三十四匹不等

一乾隆三十七年將軍舒赫德

奏准伊犁鉛廠並耕種地畝所需牛馬在官廠撥給
每年馬按三分午按一分五釐核算倒斃現在每
年鉛廠撥補兒騾馬三匹健牛四隻

一乾隆五十七年將軍保寧咨部覆准嗣後銅廠
每年運銅種地所需牛馬在官廠撥補馬按三分
牛按一分五釐核算倒斃嘉慶十年將軍松筠

奏准銅鉛廠遣屯撤出歸交回子耕種交糧各該廠
原設馬二十匹牛一百七十隻仍留各該廠駛運
銅鉛現在每年銅廠撥補兒騾馬三匹健牛二十

一隻

一乾隆二十六年起設立綠營屯田嘉慶四年將軍保寧

奏定差操兵一千二百名屯田兵一千八百名共十八屯每屯給馬二十四匹牛六十隻每年馬按三分牛按一分五釐核算倒斃十年將軍松筠

奏裁三屯馬牛撤收歸廠十三年將軍松筠

奏加三屯十九年將軍松筠

奏加二屯共二十屯現在每年撥補兒騾馬一百二十匹健牛一百八十隻

一乾隆二十五年起至三十四年止由各回城移
來種地回子六千戶撥給馬匹牛隻每年除收伊
等牧放孳生牛三千隻內所孳牛犢抵補一半三
分倒斃外其餘回子三千戶每年應補三分撥補
馬九百匹牛九百隻

一軍臺十二處每臺撥給馬匹牛隻每年馬按三
分牛按一分五釐核算倒斃現在每年撥補驕馬
九十匹健牛二十三隻

一每年春秋二季祭祀共用健牛二十隻大羊三
十四隻

撥運

一每年烏魯木齊咨調屯田臺卡補額兒騾馬一百匹至五六百匹不等健牛八十隻至二百隻不等補缺騎操騾馬五百九十二匹

一乾隆三十二年陝甘各營每年咨調補缺騾

馬五六百匹至一千二百匹不等

乾隆五十六年將軍保寧

奏准歷年伊犁購買哈薩克馬匹無多嗣後內地咨調馬匹內暫解一半俟官廠馬匹充足之時

再行全數撥解

一阿克蘇咨調補缺騾馬八十六匹健牛二十七隻又各同城每年咨調馬牛多寡不等

領買

嘉慶十四年將軍松筠

奏言察哈爾厄魯特營交納搭放官兵口食羊隻於乾隆五十三年經將軍保寧因按年所取羊羔不堪搭放奏明以另廠牧放大羊內代該兩營搭放官兵口食羊八萬六千三百四十三隻惟此項羊隻係該營應還之項與其分牧年久徒滋倒斃莫若折價歸款以資實用本處卽在該兩營牧放口食羊隻內照數撥給該營等領買每隻折交價銀四錢在該官兵俸餉內分限五年坐扣貯庫歸款

得

旨允行十九年將軍松筠叅贊大臣長齡

奏言今察哈爾厄魯特兩營官廠牧放備差犍牛積至一萬一千有餘適錫伯索倫察哈爾厄魯特官兵請買牛三千二百七十五隻每隻例價銀二兩五錢共計價銀八千一百八十七兩五錢卽在該官兵本年冬季應支俸餉銀內扣除又察哈爾營總管以下官兵復請買牛三千六百四十隻應交價銀分三年坐扣其餘牛隻除存留二千隻以備撥用外尙有存剩牛隻兩城滿營官兵如有陸續

請買者俱照察哈爾營之例辦理得

旨允行是年將軍松筠叅贊大臣長齡

奏言伊犁惠遠城前年瘟疫官兵於官藥鋪內賒取藥料過多合銀六千八百餘兩所有俸餉不敷坐扣查官兵每員名每年例得口食羊六隻由察哈爾厄魯特兩營孳生羊按年支給數十年來陸續存剩盈餘孳生羊共有三萬一百四十九隻此項羊隻向准官兵及厄魯特請買每隻交價銀三錢現在厄魯特官兵請買羊六千七百二十隻交銀二千一十六兩業於本年冬季充支兵餉其餘剩

欽定新疆識畧

卷十

十四

羊二萬三千餘隻明年夏秋或本城官兵或厄魯特有請買者所得價銀已敷藥料欠項請將此項銀兩先行抵交再於協領等俸餉內分年攤扣歸欸得

旨允行

賑卹

嘉慶九年將軍松筠

奏言孳生羊一事原係每兵分給羊二十五隻按年取孳搭放兩城滿營官兵口食之需但年久倒斃甚多厄魯特人等每年交納羊隻均係購買交納

又每年派往查邊坐卡及換防塔爾巴哈台此內
無牲畜厄魯特人等俱係雇馬當差去歲冬令該
游牧雪甚大今春又降大雪貧乏者千戶有餘情
形甚屬疲憊亟宜調劑查現有去歲收穫孳生馬
四千三百八十二匹牛一千零九十六隻仰懇

天恩賞給貧乏厄魯特等以裕生計再該部落孳生駝隻
五年一均齊取孳並懇展限一次奉

旨據松筠奏厄魯特部落人等此數年陸續被災度日情
形甚屬疲憊著加恩照松筠所請將去歲一年收穫馬
四千三百八十二匹牛一千零九十六隻分別賞給外

其駝隻亦著展限一次再行均齊取孳以示朕體卹被災貧乏厄魯特之至意欽此是月將軍松筠又

奏言近年以來察哈爾生計貧乏與厄魯特相等其每年應交搭放口食羊隻亦係購買交納甚爲竭蹶且羊隻甚小不堪食用請將察哈爾厄魯特兩部落應交孳生羊每隻折交銀三錢既於伊等生計可免疲累而滿營官兵得銀三錢卽可買麪三十觔食用實屬兩有裨益奉

旨察哈爾厄魯特兩部落兵丁每年應交口食羊隻著照所請准其每隻折交銀三錢以裕伊等生計欽此嘉慶

十七年正月二十五日戌亥二時伊犁地震厄魯特游牧衮佐特哈胡吉爾太齊木庫爾圖等處山裂四處長二十里至六十里不等寬五六釐不等深高十餘丈至二十丈不等壓斃蒙古人四十七名遣犯十一名官廠牲畜二千五百九十五隻厄魯特本身牲畜一千七百餘隻當經將軍晉昌

奏明奉

上諭伊犁厄魯特游牧衮佐特哈等處山崩數里壓斃官廠牧兵家奴並伐木民人甚屬可憐施恩著照晉昌所奏被災脫出男婦七十名每名賞給馬一匹牛四隻羊

五隻皮襖一件布一疋銀二兩卽在去年收穫孳生及房租銀兩內動撥外歷斃人等加恩每大口賞銀五兩每小口賞銀三兩其歷斃官厥牲畜免其賠補欽此

查閱

乾隆三十八年將軍伊勒圖

奏准每年青草發生之時將軍往察哈爾厄魯特游牧處查看牧放時特穆爾厥牲畜一次若馬匹臄壯駝牛肥好倒斃不踰定額將該營領隊大臣及牧放官員奏敘給予紀錄牧放兵丁於挑選處記名若馬匹駝牛臄弱倒斃溢額將額外倒斃牲畜

著落該管廠官員分賠仍叅奏議罪牧放兵丁從
重責懲

欽定新疆識畧卷十一

邊衛

夫綏靜邊圉其要在於察畿疆謹斥埃尙書有慎固封守之文周禮有掌固司險之職此新疆卡倫所由設也新疆南北各城皆設卡倫而伊犁爲最多伊犁境內東北則有察哈爾西北則有索倫西南則有錫伯自西南至東南則有厄魯特四營環處各有分地其禁在於私越又有銅廠鉛廠屯工船工安置發遣罪人其禁在於逋逃至於境外自北而西則有哈薩克自西而南則有布魯特壤界

毗連其禁在於盜竊故設卡置官派兵巡守兩卡
倫遞籌巡查之路名曰開齊小卡倫分置瞭望之
處名曰布克申而統名之則曰卡倫乾隆四十二
年將軍伊勒圖

奏令各領隊大臣分管卡倫每年春秋二季各巡查
所屬卡倫一次其後屢有添設五十三年添設伊
犁河口固勒札渡口卡倫厄魯特營察林河等處
布克申五十四年又添設察哈爾營博羅塔拉河
一帶布克申現在惠寧城領隊大臣所管者十處
錫伯營領隊大臣所管者十八處索倫營領隊大

臣所管者十處察哈爾營領隊大臣所管者二十

一處厄魯特營領隊大臣所管者三十二處營務

處專管者二處

以上係卡倫總數

於是內稽逃人外控荒

服沿邊定界幾察森嚴而各卡倫安設有常設移

設添撤之分厯年不移而設有定地者是謂常設

之卡倫其數凡二十有七住卡官兵有時在此處

安設有時移向彼處或春秋兩季遞移或春冬兩

季遞移或春夏秋三季遞移者是謂移設之卡倫

其數凡九有其地雖有卡倫而有時安設過時則

撤者是謂添撤之卡倫其數凡四十有五

以上係卡倫實

數與前總數不符者以移設卡倫隨時易地雖此
有兩處三處地名實只一卡倫也詳見於表

邊衛之大槩也謹將各營卡倫地方道里首先開
列而安設事例詳臚於表云

惠寧城領隊大臣所轄

沙喇布拉克卡倫 在惠寧城西北一百一十里
東北至塔勒奇卡倫七十里

塔勒奇卡倫 東北至一千珠罕卡
倫一百一十里

千珠罕卡倫 西北至察哈爾屬之
碩博圖卡倫六十里

庫庫哈瑪爾卡倫 在惠寧城東
北八十里

畢齊克圖卡倫 此小卡倫在庫庫哈瑪爾卡
倫東北六十里與精河交界

庫庫鄂囉木卡倫 在惠寧城東北一百八十里東
至鄂博勒齊爾北達巴罕卡倫

九十
里

鄂博勒齊爾北達巴罕卡倫東與哈什
圖場交界

固勒札渡口卡倫在惠寧城東南三
十里伊犁河北岸

博羅布爾噶蘇卡倫在惠寧城東
一百四十里

開里沁卡倫在惠寧城東
北三十餘里

錫伯營領隊大臣所轄

固爾班扎海卡倫在惠遠城西南七十里西
至安達拉卡倫七十里

安達拉卡倫西至沙巴爾托
海卡倫七十里

沙巴爾托海卡倫西至托里卡
倫七十里

托里卡倫西至瑪哈沁布拉
克卡倫五十里

瑪哈沁布拉克卡倫

此小卡倫西至春稽卡倫八十里

春稽卡倫

西南至塔木哈卡倫八十里

烏里雅蘇圖卡倫

此小卡倫東北至沙巴爾托海卡倫八十里西南至額木訥察

罕烏蘇卡

倫六十里

額木訥察罕烏蘇卡倫

西至輝圖察罕烏蘇卡倫五十里

輝圖察罕烏蘇卡倫

此小卡倫西至塔木哈卡倫六十里

塔木哈卡倫

東北至春稽卡倫九十里

察罕托海卡倫

此小卡倫西南至沙巴爾托海卡倫八十里西北至托賴圖卡倫七

里

托賴圖卡倫

西至沙喇托羅海卡倫八十里

沙喇托海卡倫

此小卡倫西南至額哩音莫多卡倫一百里

額哩音莫多卡倫

此小卡倫西南至頭

頭勒克卡倫

此小卡倫東南至春稽卡倫九十里西南至察林河口卡倫四十里

察林河口卡倫

東至春稽卡倫四十里

塔木哈色沁卡倫

此小卡倫在塔木哈卡倫之西南河口安設

大橋卡倫

在惠遠城東南一百一十里

索倫營領隊大臣所轄

舊霍爾果斯安達拉卡倫

在惠遠城西北一百二十里西北至齊齊罕安

達拉卡倫

六十里

齊齊罕安達拉卡倫

西北至霍爾果斯卡倫九十里

霍爾果斯卡倫

北至齊齊罕卡倫二十里

齊齊罕卡倫

北至奎屯卡倫三十里

奎屯卡倫

西北至博羅呼濟爾卡倫三十里

博羅呼濟爾卡倫

西南至喀郭羅鄂倫卡倫一百二十里

喀郭羅鄂倫卡倫

東南至輝發卡倫七十里

輝發卡倫

東北至霍爾果斯卡倫五十里

河岸卡倫

此小卡倫在伊犁河北岸

奎屯色沁卡倫

此小卡倫西北至博羅呼濟爾卡倫二十里

察哈爾營領隊大臣所轄

干珠罕布拉克安達拉卡倫

在惠遠城東北二百九十里東北至烏蘭

布喇卡倫
七十里

烏蘭布喇卡倫
東至綽倫古爾卡倫一百二十里

綽倫古爾卡倫
東至達爾達木圖卡倫五十里

達爾達木圖卡倫
此小卡倫北至札克鄂博卡倫八十里

札克鄂博卡倫
此小卡倫西北至哈布塔海卡倫八十里

哈布塔海卡倫
東北至音德爾圖卡倫四十里

音德爾圖卡倫
此小卡倫西至烏柯克卡倫六十里

烏柯克卡倫
此小卡倫西至沁達蘭卡倫六十里

沁達蘭卡倫
西至索達巴罕卡倫五十里

索達巴罕卡倫
西至沖庫克卡倫四十里

沖庫克卡倫

此小卡倫西至喀喇烏
珠爾卡倫一百二十里

喀喇烏珠爾卡倫

此小卡倫西至阿爾齊
圖哈瑪爾卡倫四十里

阿爾齊圖哈瑪爾卡倫

此小卡倫西至木
魯卡倫四十里

木魯卡倫

此小卡倫西至沙喇
布魯克卡倫三十里

沙喇布魯克卡倫

此小卡倫西南至察奇
爾圖呢蓋卡倫八十里

察奇爾圖呢蓋卡倫

此小卡倫西南至庫
庫托木卡倫一百里

庫庫托木卡倫

西南至察罕烏
蘇卡倫八十里

察罕烏蘇卡倫

此小卡倫東南至雅
瑪圖卡倫八十里

雅瑪圖卡倫

此小卡倫東至鄂托克賽哩
安達拉卡倫一百四十里

鄂托克賽哩安達拉卡倫

東至額博圖
卡倫四十里

碩博圖卡倫

東南至干珠罕卡倫六十里

厄魯特營領隊大臣所轄

特穆爾哩克卡倫

在惠遠城西南三百餘里北至特穆爾哩克渡口卡倫九十里

特穆爾哩克渡口卡倫

此小卡倫西至雅巴爾布拉克卡倫六十里

雅巴爾布拉克卡倫

此小卡倫西至鄂博圖卡倫五十里

鄂博圖卡倫

西南至額爾格圖卡倫四十里

鄂博圖渡口卡倫

東至雅巴爾布拉克卡倫六十里西至額爾格圖卡倫五十里

額爾格圖卡倫

此小卡倫西南至札拉圖卡倫五十里

札拉圖卡倫

此小卡倫東南至哈爾千圖卡倫六十里

哈爾千圖卡倫

此小卡倫東南至齊齊圖卡倫五十里

齊齊罕圖卡倫此小卡倫六十里東至格

庫圖勒卡倫此小卡倫東北至特穆爾哩克卡倫四十里南至格根卡倫五十里

格根卡倫東南至鄂爾果珠勒卡倫七十里

鄂爾果珠勒卡倫西南至哈爾奇刺卡倫六十里

哈爾奇喇卡倫東至沙喇雅斯卡倫七十里

沙喇雅斯卡倫東南至特克斯色沁卡倫七十里

特克斯色沁卡倫此小卡倫東至敦達哈布哈克卡倫五十里

敦達哈布哈克卡倫此小卡倫東至伊克哈布哈克卡倫七十里

伊克哈布哈克卡倫此小卡倫東至察察卡倫七十里

察察卡倫此小卡倫東至那林哈勒噶卡倫四十里

那林哈勒噶卡倫

東與沙圖阿滿軍臺接壤

巴噶塔木哈卡倫

此小卡倫東北至錫伯營所轄塔木哈卡倫三十里

察林河渡口卡倫

此小卡倫東北至錫伯營所轄頭勒克卡倫五十里

察林河察罕鄂博卡倫

此小卡倫南至察林河渡口卡倫三十里

格根西哩克卡倫

此小卡倫在鉛厰外東北至惠遠城三百餘里

銅厰外卡倫

此小卡倫在惠遠城南四百餘里

烏弩古特卡倫

在惠遠城東南七百餘里東至那喇特卡倫四十里

那喇特卡倫

東北至博爾柯阿滿卡倫五十里

博爾柯阿滿卡倫

此小卡倫在喀斯河北

昌曼卡倫

在厄魯特游牧東南界喀喇沙爾東北至烏弩古特卡倫五十里西南至綽羅

圖卡倫

八十里

綽羅圖卡倫

此小卡倫西南至博托木卡倫九十里

博托木卡倫

此小卡倫西南至拜布喇克卡倫七十里

拜布喇克卡倫

此小卡倫西南至垓爾巴特卡倫八十里

垓爾巴特卡倫

此小卡倫與庫庫島蘇相近

嘉慶六年奉

旨保寧奏請將伊犁塔木哈特穆爾哩克兩處卡倫每年

冬季向外展放令厄魯特牧放牲畜一摺據稱厄魯特

人等在伊犁居住四十餘年牲畜繁滋原給牧放之地

漸形狹隘不敷牧放必須酌核實在情形隨時調劑方

於伊等生計有益現委領隊大臣松筠等查明塔木哈特穆爾哩克兩處卡倫以外之地仍在界內其地雪小而溫暖水草俱佳若令厄魯特等牧放牲畜並無妨礙等語著照保寧所請每年冬季雪後將塔木哈卡倫展至察林河渡口地方特穆爾哩克卡倫展至鄂博圖渡口地方再於雅巴爾布拉克特穆爾哩克渡口額爾格圖扎拉圖四處設立塔布圖以便合走開齊往來巡察准令厄魯特人等在所展卡倫內牧放牲畜俟春雪消時卡倫游牧仍撤歸原地其展放卡倫以後嚴飭管轄該部落領隊大臣及卡倫官兵等將厄魯特妥爲管束

毋令私出卡倫滋事亦不得任聽哈薩克布魯特等私入卡倫偷竊厄魯特牲畜欽此

營務處專轄

伊犁河口卡倫

在惠遠城南伊犁河北岸

達爾達木圖卡倫

此小卡倫在錫伯營所轄沙巴爾托海卡倫西南一百餘里

乾隆五十九年將軍保寧

奏明錫伯屯牧西南因有回子屯所每年夏秋酌派諸練伯克帶領回子安設卡倫於達爾達木圖屯所以資巡察

卡倫安設表

常設卡倫

移設卡倫

添撤卡倫

惠寧塔勒奇卡倫

庫庫鄂囉木卡沙喇布拉克卡

城領

卡倫侍衛一員惠遠城滿

倫

倫

隊大

營兵十五名惠寧城滿營

春季設冬季移開里沁

春季添冬季撤惠寧城

臣所

兵五名夏秋添惠遠城滿

惠寧城滿營官一員兵十

滿營官一員兵三十五名

轄

營官一員惠寧城滿營官

五名

庫庫哈瑪爾卡

一員兵五名錫伯營兵五

鄂博勒齊爾北倫

名厄魯特營兵十名

達巴罕卡倫

春季添冬季撤惠寧城

干珠罕卡倫

春季設冬季移博羅布爾

滿營官一員兵五名惠遠

卡倫侍衛一

員惠遠城滿

營兵十二名

惠寧城滿營

兵三名厄魯

特營兵十五

名夏秋添惠

寧城滿營官

一員兵三名

厄魯特營兵

七名

固勒札渡口卡

倫

惠寧城滿營

催總一名兵

五名

名

噶蘇惠寧

城滿營官一

員兵十

五名

城滿營

兵十名

畢齊克圖卡倫

春季添冬季

撤惠寧城

滿營官一

員兵十名

錫伯固爾班托海卡沙巴爾托海卡烏里雅蘇圖卡

營領倫

倫

倫

隊大

錫伯營領催一名兵六名

春季設秋季移察罕托海

夏季添秋季撤官一員兵十名

臣所安達拉卡倫

一員兵十名

官一員兵十名

轄

錫伯營領催一名兵六名

厄魯特營兵十名

兵十名

春稽卡倫

托里卡倫

沙喇托羅海卡

惠遠城滿營

春季設夏季移額木訥察

倫

官一員兵二

罕烏蘇秋季

秋季添冬季

名錫伯營兵

移托賴圖

撤官一員兵十

營兵

錫伯營空藍

官一員兵十

十名

翎一員兵十

營兵

大橋卡倫

名厄魯特

十名

錫伯營領催瑪哈沁布拉克
一名兵四名

卡倫

塔木哈卡倫

春季設夏季
移輝圖察罕
烏蘇秋季移
額哩音莫多
一員錫伯營官
厄魯特營
兵十名
春季設秋季
移察林河口
錫伯營空
藍翎一員兵
十名厄魯特
管官一員兵

十名

頭勒克卡倫

秋季設春季
移厄魯特營
之巴噶塔木
哈夏季移塔
木哈色沁
厄魯特營官
一員兵十五
名錫伯營兵
十名

索倫霍爾果斯卡倫

營領

隊大

卡倫侍衛一
員索倫營官
一員兵二十
名厄魯特營

舊霍爾果斯安

達拉卡倫

春季添冬季
撤索倫營

臣所

兵五名

轄

齊齊罕卡倫

卡倫侍衛一員索倫營官一員兵十五名厄魯特營

兵五名

奎屯卡倫

卡倫侍衛一員索倫營官一員兵十五名厄魯特營

兵五名

博羅呼濟爾卡

官二員兵三十名

齊齊罕安達拉

卡倫

春季添冬季撤索倫營官二員兵十五名

河岸卡倫

冬季添夏季撤伊犁河南岸冰後與所轄

錫伯營所轄沙喇托難海

卡倫合走間

齊索倫營官一員兵二

倫

卡倫侍衛一
員索倫營官
一員兵二十
名厄魯特營
兵十名夏秋
添惠遠城滿
營官一員前
鋒五名索倫
營兵十名

性郭羅鄂倫卡

倫

卡倫侍衛一
員索倫營官
一員兵二十
五名厄魯特

十名

奎屯色沁卡倫

冬季添夏季
撤索倫營
官一員兵
二十名

輝發卡倫

營兵
十名

卡倫侍衛一
員索倫營官
一員兵二十
名厄魯特營
兵五名

察哈烏蘭布喇卡倫

爾營

領隊

大臣

所轄

卡倫侍衛一
員惠遠城滿
營兵二名察
哈爾營兵十
名夏秋添惠
寧城滿營官
一員兵六名
惠遠城滿營

干珠罕布拉克

安達拉卡倫

春季添冬季
撤營官一員
滿營官一員
兵二名察哈
爾營官一員
兵十五名厄

兵九名

達爾達木圖卡

倫

察哈爾營空
藍翎一員兵

十名

札克鄂博卡倫

察哈爾營空
藍翎一員兵

十五名

哈布塔海卡倫

卡倫侍衛一
員察哈爾營

魯特營
兵三名

綽倫古爾卡倫

春季添冬季
撤惠遠城

滿營官一員
兵三名惠寧

城滿營兵二
名察哈爾營

兵五名

音德爾圖卡倫

春季添冬季
撤察哈爾

管官一員
兵二十名

喀喇烏珠爾卡

官一員兵二十名

烏柯克卡倫

察哈爾營空
藍翎一員兵二十名

名二十

沁達蘭卡倫

卡倫侍衛一
員察哈爾營

官一員兵三十名

索達巴罕卡倫

卡倫侍衛一
員察哈爾營

兵三十名夏
秋添惠遠城

倫

春季添冬季
撤察哈爾

營領催一
名兵九名

阿爾齊圖哈瑪

爾卡倫

春季添冬季
撤察哈爾

營領催一名
兵十九名

木魯卡倫

春季添冬季
撤察哈爾

營官一員
兵十五名

滿營官一員
前鋒五名

沖庫克卡倫

察哈爾營空
藍翎一員兵

二十名

庫庫托木卡倫

卡倫侍衛一
員察哈爾營

兵三十五名

夏秋添惠遠

城滿營官一

員兵二名

沙喇布魯克卡

倫

春季添冬季
撤察哈爾

營領催一
名兵九名

察奇爾圖呢蓋

卡倫

春季添冬季
撤察哈爾

營領催一
名兵九名

察罕烏蘇卡倫

春季添冬季
撤察哈爾

營官一員
兵十九名

雅瑪圖卡倫

春季添冬季
撤察哈爾

營官一員
兵二十名

鄂托克賽哩安

達拉卡倫

春季添冬季
撤惠寧城

滿營官一員

兵二名察哈

爾營官一員

兵十五名

碩博圖卡倫

春季添冬季
撤卡倫侍
衛一員惠遠
城滿營官一
員兵十四名
察哈爾營兵
十一名

厄魯特克斯色沁卡特穆爾哩克卡特穆爾哩克渡

特營倫

倫

口卡倫

領隊

厄魯特營領
催一名兵二

春季設冬季
移鄂博圖渡
口惠遠城

冬季添夏季
撤厄魯特
營官一員

大臣

十名

滿營官一員
兵二名厄魯
特營官一員

兵三十名

所轄敦達哈布哈克

雅巴爾布拉克

卡倫

兵二
十名

卡倫

厄魯特營領
催一名兵二十

十名

伊克哈布哈克

卡倫

厄魯特營官
一員兵二十

察察卡倫

厄魯特營領
催一名兵二十

烏弩古特卡倫

春季設冬季
移昌曼厄
魯特營官一
員兵二十五

鄂博圖卡倫

冬季添夏季
撤厄魯特

營官一員
兵三十名

冬季添夏季
撤惠遠城

滿營官一員
兵四名厄魯
特營官一員
兵三十名

額爾格圖卡倫

冬季添夏季
撤厄魯特

營領催一名
兵二十名

札拉圖卡倫

冬季添夏季
撤厄魯特

營官一員
兵三十名

哈爾干圖卡倫

夏季添冬季
撤厄魯特

營官一員
兵三十名

齊齊罕圖卡倫

夏季添冬季
撤厄魯特

營領催一名
兵二十名

庫圖勒卡倫

夏季添冬季
撤厄魯特

營官一員兵二十五名

格根卡倫

夏季添冬季

撤厄魯特

營官一員領

催一名兵二

十三

名

鄂爾果珠勒卡

倫

夏季添冬季

撤惠遠城

滿營官一員

兵四名厄魯

特營官一員

兵三十六名

哈爾奇喇卡倫

夏季添冬季

撤厄魯特

營官一員領

催一名兵二

十二

名

沙喇雅斯卡倫

夏季添冬季

撤錫伯管

官一員兵五

名厄魯特營

領催一名兵

二十一

那林哈勒噶卡

倫

夏季添冬季

撤厄魯特

營官一員

兵二十名

巴噶塔木哈卡

倫

春季添夏季

撤厄魯特

營官一員

兵二十五名

察林河渡口卡

倫

冬季添夏季

撤厄魯特

營官一員

兵三十名

察林河察罕鄂

博卡倫

冬季添夏季
撤厄魯特

營官一員
兵三十名

格根西哩克卡

倫

夏季添冬季
撤厄魯特

營官一員
兵二十名

銅廠外卡倫

夏季添冬季
撤厄魯特

營官一員
兵二十名

那喇特卡倫

夏季添冬季
撤惠遠城

滿營官一員

兵三名厄魯

特營官一員
兵二十五名

博爾柯阿滿卡倫

夏季添冬季
撤厄魯特

營官一員
兵二十五名

綽羅圖卡倫

博托木卡倫

秋季添冬季
撤厄魯特
營領催一名
兵十五名

拜布喇克卡倫

秋季添冬季
撤厄魯特
營領催一名
兵十五名

亥爾巴特卡倫

秋季添冬季
撤厄魯特
營領催一名
兵十五名

<p>營務伊犁河口卡倫</p>		<p>營領催一名 兵十五名</p>
<p>處專 轄 惠遠城滿營 催總一名兵 五名</p>		<p>達爾達木圖卡 倫 春季添秋季 撤回子伯 克一員同 子十九名</p>

會議卡倫成案

嘉慶十年正月將軍松筠以會議卡倫事務驗訊
哈薩克命案並特參冒昧官員請

旨革職分別枷責示懲以服外夷

奏言據哈薩克台吉伊巴克稟稱我屬下人戶夏秋

游牧在阿拉克圖扈爾淖爾海子南岸冬春風雪
極大附近卡倫人等往往躲避風雪私進卡倫循
舊游牧懇乞代奏

大皇帝鴻慈以近卡倫舊日游牧處所於冬春賞給屬下
人等游牧度命等語查伊犁北界卡倫地名沁達
蘭其塔爾巴哈台南界卡倫地名阿魯沁達蘭兩
卡倫互相遞籌巡查之路名曰開齊緣此開齊之
路係乾隆六十年在外新展者詢其由來因舊沁
達蘭卡倫虎狼時常塞路往往稽遲文報是以前
任將軍明亮將沁達蘭卡倫外展十數里是未展

之前舊日卡倫迤外向係哈薩克度冬游牧然卡倫既展未便因台吉伊巴克所懇便行改移因查看山勢以現在沁達蘭卡倫順山斜向東南有烏柯克地方原設有小卡一座若由此冬春與現在沁達蘭卡倫互相遞籌巡查甚便自烏柯克小卡向東北與哈布塔海阿魯沁達蘭卡倫冬春遞籌原係舊日開齊巡查亦屬甚便此大小卡倫迤外約容百餘戶人度冬且係伊等舊日過冬處所可否賞給之處恭候

命下欽遵檄諭辦理等因欽奉

諭旨著松筠遇便諭知該台吉以此案業經奏明大皇帝以官兵騷擾該將軍定擬罪名尙輕特降旨從重褫革分別枷號等因詳悉傳諭俾其益知感畏松筠嗣後惟當將該官兵等嚴行管束安分當差固不可巡防懈弛亦不得肆行滋事爲要至所稱現在開齊之路原係乾隆六十年新展卡倫迤內十數里向爲哈薩克度冬游牧處所且據松筠等奏稱查看舊日卡倫地方巡查甚便著照所請將該處大小卡倫迤外約容百餘戶人處所賞給哈薩克游牧以示懷柔松筠卽欽遵檄諭並將應辦事宜妥籌辦理欽此是年三月將軍松筠以伏讀

訓諭欽遵辦理緣由具奏並奏明塔爾巴哈台叅贊大臣
興肇將次交代回京新任叅贊果勒明阿約四五
月間卽可到任年例五六月間親身前往察哈爾
游牧查閱官羣馬匹其塔爾巴哈台厄魯特游牧
官羣馬匹臨時果勒明阿當亦親往查閱兩處游
牧相隔僅有八站擬於本年夏間查馬之便行令
果勒明阿同到交界處所旣可巡查卡倫整飭邊
防且可會面斟酌應辦事宜順便亦可鎮撫外夷
惟有凜遵

訓旨一切妥籌辦理以期仰副

聖主諄諄教誡至意等因奉

硃批汝之心地純正操守清潔有何可諭惟姑息柔和不能振作是汝之大病亟須悛改切勿因循欽此是年六月將軍松筠叅贊大臣果勒明阿以會議卡倫

奏言塔爾巴哈台所屬一帶卡倫之外距哈薩克游牧甚近每歲冬春雪大之際哈薩克移至卡倫開齊附近游牧例不驅禁故每年秋季沿邊一帶哈薩克力能納租者令其稅馬爲租不惟窮小哈薩克等時有偷竊厄魯特牲畜情事倘厄魯特有竊盜哈薩克牲畜者尤當嚴行懲辦不可偏徇官兵

致有驕縱務須秉公辦理其哈薩克雖屬桀驁每
遇偷去牲畜之時被官兵廝蹤到某鄂托克地方
明白交蹤或哈薩克台吉或阿哈拉克齊等訪緝
正賊務獲懲辦若竊去原馬不全尙應照數賠補
凡派往拏賊官兵倘有任意在哈薩克游牧處所
釀出無辜命案等件必將動手之人立予正法並
同行官兵分別重治其罪派往拏賊官員等必帶
誠實通事前往免其從中舞弊以服外夷之心其
哈薩克私進卡倫之內偷竊牲畜之際緝拏時有
敢拒捕者係賊該官兵等卽以鎗箭打射此爲卡

倫以內而言設若官兵怠惰不行緝拏亦必重治其罪如哈薩克潛入卡倫度冬者官兵驅逐勿得過於威促倘致窮小哈薩克妻子羊羔受傷似非仰體我

皇上懷柔至意自應從寬驅逐令其從容搬移官兵如有違者審明治罪又每歲由哈薩克內收取租馬一節欽遵

高宗純皇帝訓諭勿得多收是以每歲派往官兵皆當明白曉諭若不體察哈薩克力能納否雖能多收馬匹亦不獎勵若有藉端騷擾哈薩克者亦卽審訊

重治其罪如此禁諭之後凡有差使派出官兵果
能小心奮勉除酌量鼓勵辦理外倘有疎忽怠玩
任意故違者卽照原議叅奏治罪以示獎勵懲創
如此明白曉諭官兵等遵行方於邊務有益將此
入於交代厯任將軍並叅贊大臣永遠遵照辦理
等因奉

硃批著照所請辦理欽此

摺內倘厄魯特有竊盜哈薩克
牲畜者尤當嚴行懲辦句旁欽

奉

硃批甚是又凡派往拏賊官兵倘有任

意在哈薩克游牧處所釀出無辜命案等件必將

動手之人立予正法句旁欽奉

硃批是

此條每年由伊犁揀派換防官兵著兩城滿營
房及錫伯索倫察哈爾厄魯特四營
檔房於官兵起程時偶爲曉諭遵行

嘉慶十二年九月將軍松筠奏贊大臣愛星阿會
訊哈薩克控案

奏言前因哈薩克公卓勒齊稟控台吉罕巴爾所屬
拜吉格特之哈薩克潛在卡倫界內游牧偷竊牲
畜一案當經臣松筠

奏明於滇圍之便順赴塔爾巴哈台會同妥爲查辦
一面檄調應訊人證去後茲臣松筠未到之前三
日臣愛星阿業已接任九月十七日欽奉清字

諭旨卡倫之設原爲禁止哈薩克私行出入茲拜吉格特
哈薩克私入卡倫游牧偷竊木隆哈薩克牲畜致有稟

訴查辦之事是哈薩克轉賴卡倫替伊拏賊矣前此朕有所聞塔爾巴哈台西北卡倫內相沿有哈薩克游牧今卓勒齊以該部落哈薩克牲畜被拜吉格特哈薩克偷竊因欲進卡索取經卓勒齊阻止看來卓勒齊尙屬恭順平時哈薩克等或私進卡倫游牧或於外展卡倫之時並未驅逐淨盡潛匿山僻居住自必實有其事此次松筠於演圍之便順赴塔爾巴哈台查辦務應示以威重查明將卡倫以內哈薩克全行外逐整飭開齊並將竊去木隆哈薩克牲畜之拜吉格特賊犯查出照例辦理外至此項拜吉格特之哈薩克私住卡倫以內始

自何年其驅逐不力容留居住之衆贊領隊大臣並著
查明叅奏愛星阿到塔爾巴哈台著達慶交代後卽行
來京毋庸會辦等因欽此仰見我

皇上明鑒萬里

訓示周詳

臣

等無任欽服遵卽傳喚哈薩克公卓勒齊台

吉罕巴爾並伊所屬人等當面質訊卓勒齊罕巴

爾於接見之際頗知規矩率領頭人等向上跪請

大皇帝聖躬萬安

臣

等嘉其恭順詢及被竊牲畜進卡藏

匿一節如果實有其事該事主彼時應向卡倫侍

衛章京報明稟請進卡追尋或卽來城稟究斷無

不爲查辦之理何以徑赴伊犁控訴當據卓勒齊所屬頭人達爾札等供稱小的哈薩克等互相偷竊向係常有之事如能跟蹤指明某處其該處頭人亦必查出給還事主無如拜吉格特之人潛住卡倫界內小的等馬匹被竊跟蹤追尋及至開齊稟遵定例不敢徑入欲尋卡倫稟報無奈徧地蚊蠓人馬被其噬嘬罔不奔回不信請問卡倫官兵伊等卡倫官馬因此倒斃甚多每逢撤卡時官兵常有租雇哈薩克駝隻馬匹馱載乘騎者卽其明證小的等牲畜被竊之際既不能報知卡倫其陋

蹤不過數日渺然不見雖欲來城稟訴而城中亦必查詢卡倫其卡倫處所既未見蹤小的等卽同謊報仍屬於事無益因此告知公卓勒齊意欲會集事主徑入開齊進山尋找偷家向其械鬪索馬當被卓勒齊攔阻不准擅入

天朝卡倫應卽稟請將軍查辦是以未稟叅贊大人等情臣等當卽查詢曾住該處夏季卡倫官兵據稱蚊蠓情形果如所言其當差馬匹俱各圈在木棚每日黎明稍得牧放日出之際各馬自行歸入木棚周圍常用糞火烟燻馬方稍得住足以故常有

倒斃屬實租雇哈薩克駝馬亦屬實情

臣

等訊之

台吉罕巴爾所屬拜吉格特之哈薩克據其頭人邁瑪第敏等供稱小的們部落每年秋冬春三季近依冬卡住牧已有四十餘年每歲稅馬爲租夏令卡倫外展俱被驅逐外徙當是時一遇風冷寒凍牲畜不無倒斃年復一年貧苦日甚夏令外徙之際其有牲畜之家無不隨時搬出其內或有缺乏牲畜之家卽時難徙不得不輾轉躲避潛入深山如此等落後者小的們實難保其必無如云私進卡倫可保斷無其事至卓勒齊所控此等哈薩

克偷竊牲畜進卡藏匿一節總須指蹤爲憑如其
交蹤真切小的頭人等無不查出如數給還今伊
等既不能指出確蹤小的等豈能憑空勒令誰爲
還給牲畜現在夏卡已撤所有小的們拜吉格特
部落哈薩克俱在冬卡迤外游牧人數衆多無從
查其誰爲偷家嗣後倘有偷竊一經跟蹤交明務
卽著追給事主況小的拜吉格特部落亦曾被
他木隆人等偷過牲畜其時未能指明偷竊確蹤者
木隆人等亦並未會勒令誰爲給還只求查訊等
情質之卓勒齊所屬木隆頭目竟至無言可對案

查哈薩克互相偷竊向例不爲查辦今訊之兩造彼此俱有偷竊情事而又並無憑據臣等訪查情形公卓勒齊向來本與台吉罕巴爾不睦應卽誠飭剖斷以服兩造之心隨諭以

天朝定制如原告事無確據應卽治以誣告之罪若被告任意狡賴亦有分別治罪專條今卓勒齊爾之所屬被竊馬匹旣已指控罕巴爾屬下偷竊及至當面質訊又並毫無憑據僅以蚊蠓太大不及報明卡倫爲辭殊屬支吾卽此便有應得之咎至罕巴爾爾之所屬近依卡倫住牧年久俱各應知法

度爾之屬下果有窮苦事故不能卽時外徙者應令該管頭人設法挪措牲畜幫助搬移不宜潛入深山藏躲今爾等惟以事主不能指出偷家現又已撤夏卡人俱游牧冬卡以外礙難查找爲辭頗形狡賴卽此亦屬咎有應得但卓勒齊旣已禁阻所屬不准擅入開齊滋事而罕巴爾向未來城今一經傳喚刻卽前來聽斷尙俱恭順曉事且爾哈薩克向來互相偷竊彼此爭鬭原屬常有之事本將軍叅贊將此情節具奏

大皇帝似可邀

恩免究查舊案罕巴爾汝父台吉薩呢雅斯先年亦曾有稟訴馬匹被竊之事當有前任伊將軍巡閱之便來此曉諭定例如有被竊馬匹蹤跡跡至卡倫開齊徑行報明住卡官兵轉稟叅贊准令進卡追尋彼時爾卓勒齊亦曾前來面聆其事嗣後設有此等事件仍應遵照定例報明卡倫辦理至爾罕巴爾所屬拜吉格特之人斷不可假託事故潛匿開齊迤內互相偷竊滋事且爾等自乾隆年間陸續投誠以來既受

高宗純皇帝覆育之恩現又普荷

大皇帝生成之德自必同深威戴億昔準噶爾暴悍時常欺壓爾等其種種情形爾之老年人自能備述若非

天朝大兵蕩平準噶爾爾等焉得如此安生旣得安生宜思守分彼此不可恃強爭勝試思當初此地強莫強於準噶爾而今安在爾其知之各宜嚴管屬下哈薩克務使互相和睦永享

大皇帝覆育生成之福各宜凜遵慎勿有違當據卓勒齊罕巴爾及各頭人歡欣感激咸稱我等荒野牧處向未聞知如此教導今蒙將軍叅贊大人當面開

示曉諭已深佩服情願各息爭端彼此和睦嗣後
惟有稟遵誠飭所屬哈薩克各使遵行言訖向上
叩覲

大皇帝萬壽無疆察其辭色俱已悅服隨即分別宴賚飭
令各回游牧所有公卓勒齊台吉罕巴爾聯名呈
遞感謝夷稟譯出並原字附摺呈

覽外伏查本年夏季展放卡倫所有哈薩克俱應盡力驅
逐外徙何致仍有在卡內偷住者且此等偷住之
事究竟始自何年臣等徧詢住卡官兵俱係逐年
更換並無能知舊事者必須向該哈薩克等追究

方能得實隨詢之罕巴爾據稱當年聞有阿將軍
奏令我等哈薩克歲歲稅馬爲租准在夏季卡內
過冬自此以後每當夏令展放卡倫之時卽不能
全數外徙蓋因我等哈薩克貧富不一其有牲畜
之家並不用官兵驅逐俱各揀擇好水草處遠徙
游牧且可躲避暑熱其牲畜甚少窮難之家因無
往返搬移力量只得輾轉躲藏一箇月以待撤卡
度冬如此已有四十餘年實在不敢隱飾等語是
哈薩克潛住卡內之事已非一日誠如

聖明洞鑒

臣

等稟遵

訓諭體察情形緣西北一帶卡倫綿亘千數百里夏展冬
撤哈薩克隨卡游牧厯年已久每於撤安冬卡之
後卡內實無哈薩克偷住惟每夏展放卡倫之際
該管領隊大臣往復一月之間雖竭力搜查其山
僻藏匿之窮難哈薩克究竟不能保其驅逐淨盡
其內第三四五卡倫一名哈爾巴哈一名博果什
一名阿布達爾莫多近臨大河河名布崑哈薩克
回語布崑卽係蚊蠓總名每年五六月間山雪消
化衆水滙流入河沿岸冲刷水勢散漫是以每至
夏令河水漲發蕩漾滿灘徧地蘆草蚊蠓極盛當

是時巡查開齊官兵莫不胼胝沙水而行每年四月展放卡倫係在水發之前蚊蠓尙在未起及至八月撤卡水涸地乾蚊蠓漸已潛伏是以該管領隊大臣於四月八月展撤卡倫巡查之際不知蚊蠓情形其住卡官兵俱以兩月耐過便卽撤回權隱不報其難走開齊遺漏賊蹤不問可知甚至多傷馬匹於撤卡時租雇哈薩克駝馬應用尤屬不成事體應將因循不辦及失察哈薩克倫住卡內之厯任叅贊領隊大臣遵

旨叅辦案查塔爾巴哈台西北一帶設卡之初因有哈薩

克入卡游牧時常逐出復來當經叅贊大臣烏勒登等陸續具

奏欽奉

高宗純皇帝諭旨交將軍阿桂妥議曉諭准令哈薩克內徙度冬游牧歲歲稅馬爲租厥後哈薩克如何於夏季展放卡倫之時潛住界內並究竟始自何年之處現雖查無考據但據台吉罕巴爾所訴年分核查總在乾隆三十二年以後茲挨查至三十六年歷任叅贊大臣巴爾品安泰伊勒圖俱已物故計自三十八年七月爲始曾任叅贊者僅有慶桂

永保貢楚克扎布策拔克興肇果勒明阿及現在
調任倉場侍郎達慶先後七人其專管卡倫之領
隊大臣除已物故外現在僅有盛住庫蒙額及現
任副都統銜安福三人相應請

旨查明各任年分久暫造冊咨部分別議處現已撤安冬
卡領隊大臣安福挨查卡內實無偷住哈薩克惟
夏季蚊蠓極盛之數座卡倫既屬難走開齊卽係
任聽哈薩克潛住卡內互相偷竊亦復成何事體
臣愛星阿雖係甫經到任現同臣松筠徧行查詢
該處一帶山勢河道情形其八座卡倫內南日濟

默爾色克曰烏里雅蘇圖北曰札哈蘇淖爾曰輝
邁拉虎等四座卡倫仍應每夏照例展放外其中
間四座卡倫曰哈爾巴哈曰博果什曰阿布達爾
莫多曰霍通哈爾海一帶每年五六月間蚊蠓大
起之際於稽察哈薩克潛住卡內偷竊馬匹等事
盡屬虛文臣等知之既詳未便稍涉因循應請將
哈爾巴哈等四座夏季卡倫一移設於大烏里雅
蘇圖一移設於特穆爾綽爾霍一移設於阿拉善
布拉克一移設於哈喇布拉並於適中處所酌設
塔布圖小卡仍與南北原設夏季展放之濟默爾

色克等四座卡倫聯絡巡查合走開齊不但易於
搜查潛住卡內之哈薩克蹈看偷馬賊蹤並於土
爾扈特俄羅斯私相貿易等事稽察俱屬妥便臣
等公同酌議容俟來年夏初照例展放卡倫時臣
愛星阿同領隊大臣安福親身前往察勘情形妥
爲安設務使認真巡察開齊免致哈薩克仍前偷
住卡內以期邊務永臻寧謐上副

聖主委任再專管卡倫領隊大臣每遇巡查所帶官兵數
不滿百各處稽察未免差使不敷應請於明年爲
始每年於伊犁兵丁換防時添派一百名帶領巡

查以資周徧如此辦理於卡倫一切事務實有裨益等因奉

硃批另有旨欽此是年十一月將軍松筠奏贊大臣愛星阿

奏言欽奉

上諭松筠等奏詳訊哈薩克控案分別飭諭並查叅歷任失察之叅贊領隊大臣等情一摺此案卓勒齊稟控台吉罕巴爾所屬拜吉格特之哈薩克潛在卡內游牧偷竊牲畜業經松筠等傳齊兩造人等當面質訊毫不能指出憑據惟稱夏令將卡外展之時有缺乏牲畜之家

卽時難徙輾轉躲避潛入深山斷無私進卡座之事是此等偷竊牲畜原係移卡時潛行藏匿貧苦乏牲畜之人今事主旣不能指出確據而卓勒齊前經阻止所屬人等進卡索取此次傳喚仍卽率領頭人前來聽諭情辭極爲恭順自可毋庸治以誣告之罪嗣後每年夏季展卡時所有哈薩克惟當儘數驅逐外徙勿任仍有在卡內藏匿之事庶可免偷竊而杜訟端其從前驅逐不力容留居住之叅贊領隊大臣等事閱多年官非一任應以年分久暫定獲咎之輕重著該將軍查明各任年分造冊咨部分別議處餘依議欽此欽遵仰見我

皇上矜恤外夷杜絕訟端

訓示周詳無微不至跪讀之下不勝欽佩

臣松筠卽與

愛星阿札商仰蒙

聖主俯念哈薩克公卓勒齊台吉罕巴爾等遵奉剖斷情辭極爲恭順無庸究治伊等之罪

恩諭如此應卽發檄曉諭俾知感激除繕發檄諭使其各知頂感

聖主皇仁並令徧飭所屬頭人欽遵外至其偷竊興訟之由誠如

聖諭原因歷年貧苦乏牲畜之哈薩克於外展卡倫之時

潛行藏匿所致所有臣等請將夏季應展八座卡倫內蚊蠓極大之四座卡倫擇地安設之處容臣愛星阿於來年夏間外展卡倫之時親身前往督同該管卡倫領隊大臣相度安設務使住卡官兵易於稽查嗣後每年夏季展卡時所有哈薩克惟當剴切曉諭妥爲驅逐不使藏匿卡內以免偷竊而杜訟端其從前驅逐不力之叅贊領隊大臣等業已查明各任年分久暫造冊咨部遵

旨分別議處至每年換防之便添派官兵百名現在已蒙皇上恩允臣愛星阿惟有盡心妥爲籌畫於展卡時查其

原住官兵倘有不敷卽以此項兵內酌撥以便稽
查而資周密務期於邊卡一帶永臻寧謐其百名
官兵所需口糧粟米由塔爾巴哈台倉貯餘糧內
照例開支至應得鹽菜銀兩由伊犁塔爾巴哈台
兩處房租項下支給按季造報核銷均可無庸另
籌欸項臣等彼此札商意見相同是否有當理合
請

旨遵行等因奉

硃批依議辦理欽此十三年將軍松筠叅贊大臣愛星阿
奏言塔爾巴哈台東北一帶夏季應設卡倫其內蚊

蠟極大之四座卡倫臣愛星阿遵照原定章程率

同領隊大臣百順親往履勘俱已擇地安設並添

塔布圖小卡以資合走開齊便於稽查惟原議不

在移設之濟默爾色克卡倫地處山陰柴草俱無

似應移設於博洛呼濟爾並於板廠溝地方安設

塔布圖小卡合走開齊於稽查哈薩克出入最爲

有益臣愛星阿百順於五月十六等日回城隨卽

札商臣松筠覆查濟默爾色克卡倫固應移設然

其山梁有柴草處仍宜每年夏季安設瞭臺撥兵

駐守巡查方足以資嚴密臣等往復札商意見相

同隨已酌撥官兵駐守巡查俟雪大封山之前仍
卽撤回至蚊蠓極大之卡倫俱已移設善地卽可
易走開齊嗣後倘有踈懈漏蹤及被竊馬匹隱匿
不報情弊應將住卡官兵查明嚴行叅辦分別治
以應得之罪奉

硃批依議辦理欽此

摺內其山梁有柴草處仍宜每年夏季安設瞭臺撥兵駐守巡查句旁欽

奉
硃批是